



17274

I

Mag. St. Dr.

1^a

Martinus
Cracoviensis

Joannis Oratio gratulatoria
in adventum

PANEG. et VITAE

Polon. 4^o

AE 987.

Oratio Gratulatoria
IN ADVENTVM
ILL^{mi} & R^{mi} DOMINI D.
MARTINISZYSKOWSKI.
EPISCOPI CRACOVIENSIS
DVCIS SEVERIENSIS.

Ab Admodum Reſendo Domino
Ioanne Foxio I. V. D. Archidiacono
Eccleſiæ Cathedralis Cracouiensis:
Nomine V. Capli eiufdem
Eccleſiæ habita.



CRACOVIAE,
Anno Dñi, MDCXVII, die 3. Iunii.

Biblioteka Jagiellońska



stdr0000379



VNIV.  IAGELL.
CRACOVIENSIS

17274 I

ORATIO



Vam chari & venerandi esse debeant, duces & Rectores animarum, Illustrissime ac Reuerendissime Presv. illi praesertim, qui iuste sancte humaneque praesunt, vel ille celestis nuncius demonstravit, qui Ioanni Apostolo & Euangelista, ad pedes ipsius adorationis causa pro-^{Apo: 23.} cidenti inhiuit. Vide ne feceris, conseruus enim tuus sum. Didicerunt & homines pastoribus suis, Angelicam, imò diuinam reuerentiam exhibere, qualem Apostolus sibi cum euangelio venienti exhibitam esse testatur, his verbis. Sicut Angelum ^{Gal: 4.} Dei exceperitis me, sicut Christum Iesum. Illi enim sunt, qui legatione funguntur pro Christo, qui visibili ministerio sublimia Angelorum exercent officia, vt purgando, illuminando, accendendo, mentes hominum varias & instabiles, ad Deum, qui summa est stabilitas, deducant. Quae omnia si quis diligentius expendat, fateatur necesse est, magno Dei munere bonum pastorem dari, in cuius laudem, cum multa, tum illud diuinum elogium ^{Mat: 24.} verè dici possit. Fidelis seruus & prudens, quem

A 1

con-

ORATIO.

Epist. 42.

Phil. 2.

constituit Dominus super familiam suam. Nec im-
merito æterni patris verbum, duo hæc verba con-
iunxit, vt non fidelem solùm sed & prudentem ser-
uum, familiæ suæ principem deligeret. Rarò enim,
vt Sanctus Bernardus obseruauit, rarò inquam in
vtraque gratia aliquis consumatus inuenitur, vt
simul fidelis & prudens sit, nec facillè vel prudenti
fidelitatem, vel fidei prudentiam inesse deprehen-
das. Fides autem serui huius, sicut omnium, in
eo vel maximè consistit, vt non sua lucra quærat,
non sibi sed Domino acquirat, ne in illam repre-
hensionem incurrat. Omnes, quæ sua sunt, quæ-
runt, non quæ Iesu Christi. Prudentia vero præci-
pua illa est, vt cognitos habeat modos, quibus in-
defessam in custodiendo grege Domini vigilantiam
adhibeat, vt ab illo non solùm lupos & quid-
quid inimicum est arceat, verùm etiam ad pingua
ac vberissima pascua ducat, adeoque, siue ad repel-
lenda pericula, siue ad danda salutaria, vnus pro
multis perennes excubias agat. His ego te dua-
bus, boni pastori notis illustrissime ANTISTES,
quasi preciosis quibusdam gemmis & adamanti-
bus, insignitum esse cum videam, merito hunc tu-
um primum ad nos aduentum nobis valde cha-
rum, teq; ipsum magnopere venerandum, nomi-
ne om-

ORATIO.

ne omnium qui adsunt, profiteor. Quis enim est,
qui nesciat, qua fide sis in Christi familia regenda,
qui opes & fortunas à Deo creditas ad publi-
cam & priuatam multorum beneficentiam con-
ferre soles, quò te vellem mea hæc magis ac magis
incitet oratio, imò eximii Ecclesiæ Doctoris
Hieronimi præclara sententia. Gloria Episcopi
est, pauperum inopiis providere, ignominia sacer-
dotis est, propriis studere diuitis. Prudentiam ve-
rò tuam, quis non miretur, vel non extollat, qui
& si ipse abundes consilio, doctrina & magnarum
rerum vltu parto, prudentum tamen, quos semper
ad latus habes, fretus consiliis, pro incolumitate
gregis Christi, indefesso animo aduigilas. Subiit
mihi in mentem, florens illa ætas, qua sapientissi-
mi Petri Miscoii Episcopi, Cancellarius, matu-
ram & senili iam prudentia insignem, in rebus Ec-
clesiæ operam nauasti. Euectus hinc ad Luceori-
ensem, mox & ad Ploccensem Cathedram, maiora
prudentiæ & vigilantia pastoralis documenta de-
disti, nullis vnquam parcens laboribus, vt clerus
populusq; tuus non solùm quietè, sed etiam iu-
cundè viueret; ac religio Catholica, cultusque di-
uinus floreret. Nolo multis commemorare insi-
gnem tuam sententiis in senatu dicendis pruden-
tiam,

Ad Ne.
pot. de
vita cler.

ORATIO.

tiam, miram tractandi animos hominum, quantum
uis dissidentium tum dexteritatem, tum felicitatem,
effusam erga omnes humanitatem, ac alia boni
pastoris, quæ ex fonte prudentiæ fluunt, tibiq;
seruiunt, encomia. Sufficiat illud vnum Serenissimi
Regis nostri, qui te in utroq; hoc Episcopatu,
præclara functionis Episcopalis exempla reliquisse,
templa construxisse, cætus religiosorum liberaliter
dotasse, Diocesiumque illarum splendori multum tua
industria adiectum esse, literis ad nos datis, testatum
reliquit.

Et tu quidem in Episcopatu Ploceñ: non senescere
solum, sed vita etiam fungi cogitabas, iamq;
& sepulchra & sacras pro anima tua expiationes
designabas, cum te Deus ad primam in regno
Episcopalem dignitatem, vocat, ac ut superius
ascendas, iubet. Debeatur hic locus amplissimis
hisce tuis virtutibus, in quo te iam diuinitus positum
esse, nobis quidem gaudemus, tibi verò Illustrissime
Præsul, quotquot adsumus, in hac æde sacra
gratulamur. Domus certè hæc Dei, tota in aduentu
tuo gestit, veterem illam atram vestem deponit;
nouam hanc auro vadique rutilantium colorum,
splendidam opportunè induit, quæ charissima
habet pignora, res fortiter gestas patronorū suorū,

viuis

ORATIO.

viuis coloribus expressas ad imitandum exponit.
Sit memoria in benedictione Episcopi integerrimi
Petri Tilicii, prudentissimi Senatoris, qui ita decorem
domus Dei dilexit, ut illius ornamentis etiam
post mortem, in aduentum planè tuum ita liberaliter
prospectum esse voluerit. Quod si domus ipsa
lætatur quid nos, qui sumus membra tua agere
conuenit? Adest insignis hæc sacerdotum corona,
quæ tibi capiti suo & coniungi & firmiter adherere
cupit. Habes Ecclesiæ senatum, prudentem
& beneuolum, constantios fideles. Proclerunt tibi,
sicut solent pulli auim gestientes, obuiam euolare
patri, deduxerunt te ad hunc sublimem nidum,
in quo eos, vnaque omnem populum alimentis
cælestibus reficias, ac generosæ aquilæ instar, ab
vnguibus volucrum rapacium, strenuè tuearis.
Expande iam Illustrissimè ANTISTES, fidei &
prudentiæ tuæ alas, prouoca ad volandum pullos
tuos, ut & ipsi, verbo & exemplo à te prouocati,
assumant pennas ut aquilæ, volent in viis Domini,
& non deficient. Optamus tibi maiora in dies diuinæ
gratiæ incrementa, vires & valetudinem firmam,
prosperos rerum successus; illud verò vel maxime,
ut cum primus in numerum & ordinem Episcoporum
Cracouiensium MARTINI nomen inferas,

ORATIO.

feras, virtutes quoq; præclaras, ac zelum Sanctissimi Pontificis assequaris, ita ut pro gloria Dei, pro salute populi, nullum subire laborem recuses, vitamq; longævam, meritis apud Deum plenam, cum immortalis inter mortales, laude, transigas. Insuper, nos iuraq; nostra, tuæ fidei, patrocinio, defensionis, & libenter subiicimus, & studiosè comendamus. Finem gratulationis meæ brevioris quam virtutes tuæ merentur, faciam, si verba illa sacrarum literarum dixerō. *2. Reg. 7.* *Sic uel. Deo. Ill.* Precorissime in patrem, & nos erimus in filios. Filios profectò non de generes, sed obsequentes experieris, qui exhibita paterne tuæ charitati, cum intimo filiali affectu, promptè submisseg; respondebūt.



